

Querela contra Stephanum Gerdak.

Articulus 56.

Item, quum publica totius Comitatus Soproniensis querela sit facta contra Stephanum Gerdak et Christophorum Alya, de gravissimis violentiis eorum, circa occupationem honorum, orphanorum quondam Bernardi Gróff (de Frangepan) et Castelli eorundem, iniquam cum nece multorum defensionem facientes:

§. 1. Statutum est: hanc causam in primo Judiciorum Octavaliu termino, extra seriem cognosci et revidere debere.

MAXIMILIANI IMPER. & REGIS DECRETUM IV. ANNI 1572.

Nova portarum fiat connumeratio.

Articulus 5.

Novam etiam portarum connumerationem, tam in Ungaria, quam Slavonia, Status et Ordines Regni admittendam, unanimiter censent; juxta priores Articulos Anni Millesimi, Quingentesimi, Sexagesimi noni *).

MAXIMILIANI IMPER. & REGIS DECRETUM V. ANNI 1572.

Judicia Regni Slavoniae.

Articulus 7.

In Slavonia vero, judicia publica bis in anno, in Civitate Zagrabiensi montis Graecensis celebrentur, hoc est; primo, pro festo Epiphaniae Domini, et secundo pro festo Beati Jacobi Apostoli.

§. 1. Et singuli judiciorum termini, durent singulis diebus quadraginta, exceptis festis: Quibus intersit Dominus Episcopus Quinque-Ecclesiensis **).

§. 2. Transmissiones autem ex Slavonia deductae; revideantur hic Posonii, more antiquitus observato ***).

MAXIMILIANI IMPER. & REGIS DECRETUM VI. ANNI 1574.

Vice-Banus, Proto-Notarius, Vice-Comites et Judices Nobilium in Regno Slavoniae, suis salariis contenti; dicam e bonis suis solvere procurent.

Articulus 2.

Quoniam autem in Regno Slavoniae, Vice-Banus, Vice-Proto-Notarius et Vice-Comites, Judices Nobilium et eorum Vices Gerentes, dicam Regiam, ex quadam consuetudine in bonis ipsorum detinuisse dicuntur:

§. 1. Deliberatum est; ut si Majestas Sua praedictis Vice-Bano, Vice-Proto-Notario, Vice-Comitibus, Judicibus Nobilium et eorum Vices-Gerentibus

*) Nempe art. 7. An. 1569.

**) Scilicet Joannes Monoszlói, seu de Monte Claudii.

***) Adde, An. 1659. a. 87. et 88.